



Inatsisartuni ilaasortaq Justus Hansen
Demokraatit

**Sinersorluni angallassinermut pilersaarut pillugu § 37 naapertorlugu
apeqquteqaammut 2018-106-imut akissut**

20-06-2018
Suliaq normu: 2018-12481
Allagaq normu: 30969290

Asasara Justus Hansen

Inatsisartut suleriaasianni § 37 naapertorlugu apeqquteqaatinut nassiussannut qujanaq.
Apeqqutit matuma kinguliani ataasiakkaarlugit allanneqarput, akissummillu
malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

**Apeqqut 1. Umiarsuit ilaasartaatit atorlugit angallanneq pillugu Naalakkersuisut
sunik pilersaaruteqarpat? Akissummi immikkut Sarfaq lttuup siunissaa pillugu
pilersaarutit ersersinneqassapput.**

Akissut: Imaatigut ilaasunik angallassineq qulakkeerniarlugu Naalakkersuisut Disko
Line-mut aamma Arctic Umiaq Line-mut ukiuni sisamani atuuttussanik kiffartuussinermut
isumaqatigiissuteqarput. Isumaqatigiissutit maanna atuuttut 2020 ilanngullugu
ingerlasussaapput. Kiffartuussinermut isumaqatigiissutit nutaat
isumaqatigiissutigineqarnissaannut atatillugu Sarfaq lttuk-p siunissaa
isummerfigineqartussaavoq.

**Apeqqut 2. Naalakkersuisut isumaqarpat kommunit piareersimasut inunnik
angallassineq tigusinnaallugu soorlu naalakkersuisoqatigiit
isumaqatigiissutaanni allassimasutut, aamma Naalakkersuisut tamatuma
pisinnaanissaa qaqugu naatsorsuutigaa?**

Akissut: Umiarsuarmik ilaasunik angallassinermut kiffartuussinermut isumaqatigiissutit
maanna atuuttut 2020 ilanngullugu atuuttussaapput. Kiffartuussinermut
isumaqatigiissutit pillugit isumaqatiginninniarnissat tulliit tungaannut kiffartuussinermut
isumaqatigiissutit ilusissaat pillugit kommunit ataasiakkaat oqaloqatigineqassapput.


**Apeqqut 3. Ilumoorpa Naalakkersuisut kissaatigimmassuk siunissami
angallanneq taamaallaat timmisartunik tunngaveqassasoq?**

Akissut: Taamatut paasinnineq eqqortuunngilaq.

Apequt 4. Suliamut tunngasunik allanik soqutiginaatilinnik Naalackersuisut paasissutissiisinnaappat ?

Akissut: Naalackersuisut suliaq pillugu allanik oqaaseqaatissaqanngillat.

Inussiarnersumik inuulluqqusillunga.

A handwritten signature in black ink, appearing to read 'Simon', written over the printed name 'Simon Simonsen'.

Simon Simonsen